

馬

政

志

馬政志序

序曰嘉靖改元之明年講奉

天子命按治陝西馬政疲駑之力重任莫勝犇漢沔歷洮河駐秦關望于汧隴遠想成周之盛有餘慨焉所至咨惟故老咸以舊典湮滅莫可殫述放於西京得敝篋敗紙啓而視之皆馬政之故也於是攷金牌之制得茶

馬攷靈漳之課得鹽馬攷監苑之司
得牧馬攷騎操之額得太僕點馬
因是重有感焉夫馬之登耗國之舒
蹙係之故馬政置制夫道之世已弗
能亡然三代而下莫善於唐之坊監
莫不善於宋之保馬蓋唐牧於官宋
牧于民牧于官人存則政舉牧于民
馬未肥而民已瘠矣安石之禍顧弗

可鑒哉

明興酌古創制南北太僕之政因革
不同然咸未有如陝之制也牧馬在
官而不在民鹽馬在商而不在官茶
馬在夷而不在中國僕寺以稽之憲
臣以督之矩度之宏綜理之密此豈
前代所有哉廼於是裒拾舊文彙而
成帙為馬政志紀實弗飾用備觀覽

云爾苑甥郭孟威偃得而閱之謂議
曰懿哉國之制乎用之可以興政哉
講曰未也昔人有素驥者按圖以行
于天下驪黃驪黃馵圖弗錄卒之抱
圖終日驥不可得為天下笑蓋志之
所載者跡也變而通之者心也時有
推移政有沿革伸縮損益豈不在人
哉詩云秉心塞淵騅牝三千又曰思

無疆思馬斯臧夫澄之以塞淵之本
而復通之以無疆之思政當弗外是
以興矣志何為哉孟威曰事不師古
其胡用訓吾將刊布之俾我有位者
圖焉

嘉靖三年甲申秋遂寧陳講書

馬政志目錄

遂寧陳講編次

茶馬卷之一

差發

禁諭

巡察

課茶

商茶

私茶

招易

給領

食茶

鹽馬卷之二

池井

課額

引目

鹽法

巡察

召中

鹽司

牧馬卷之三

寺苑

牧地

牧軍

種馬

科駒

分理

奏報

公儲

點馬意之四

機寺

稽考

稽考

馬政志卷之一

茶馬

差發

金牌制 洪武初令陝西洮州河州西寧各設茶馬司收貯官
茶三年一次差在京官齎捧金牌信符往附近番族招番對
驗納馬酬茶

牌額原設四十一面上號藏內府下號降各番篆文上曰
皇帝聖旨左曰合當差發右曰不信者斬

馬額洮州火把藏思曩日等族牌六面納馬三千五十匹河州
必里衛二州七站西番二十九族牌二十一面納馬七千七

百五匹西寧曲先阿端罕東安定四衛巴哇申冲申藏等
一十六面納馬三千五十匹

價茶先期於四川徵一百萬斤官軍轉運茶司分貯給用

茶司

洪州

在衛西永樂九年建

河州

在衛東南洪武七年建

西寧在衛西洪武三十年自秦州改建俱設有大使副使司
典吏各一馬

宣德十年行在戶部以正統元年例該運茶收馬因陝西歲
飢艱於稅運題奉

欽依如今馬已足用候正統三年一發交收

正統二年鎮守西寧都指揮僉事金玉泰請運茶收馬行在

戶部議得甘肅等處轉運糧餉軍民騷苦差官運茶恐邊儲有誤題奉

欽依邊儲要緊茶且罷待賊賊之後再來說整理

三年行在兵部議得二次收馬悉蒙寬宥今甘肅等處征哨缺馬合差在京堂上官二員前去運茶收馬戶部題奉

欽依著陳占李珍去十四年停止金牌遣行人四員巡察

禁諭

差行人 洪武四年令自三月至九月每月差行人一員於陝

西河州臨洮四川碶門黎雅等處省諭把隘關口頭目禁約

私茶出境 三十年

太祖高皇帝聖旨陝西四川把截私茶處緊要係戶部便是
行人去陝西河州臨洮四川碶門黎雅等處省諭把隘口的
頭目教他十分嚴加把截不許私茶出境如今這一遭說與
他知道以後每一月一遭差人去說直差到九月務要省諭
他每把的停當不致透漏這等說與他敢有放過私茶出口
的拏來罪他 永樂六年

太宗文皇帝聖旨陝西四川地方多有通接生番徑行關隘
與偏僻小路洪武年間十分守把嚴謹不許放過段疋布絹
私茶清紙出境違者處死如今關隘上頭目軍士多不用心
守把巡捕往往透漏段疋私茶出境係戶部再出榜文曉諭

禁約還差人去說與都司布政司按察司著他勤勤的差的
當人去各關上省會把關頭目軍士今後務要用心守把設
法巡捕不許透漏段疋布絹私茶青紙出境若不聽號令仍
前私販出境拏獲到官定將犯人與本處不用心把關頭目
俱各凌遲處死家遷化外貨物入官如私販之人同伴有能
自首者免罪給與重賞 宣德十年奉

英宗皇帝勅諭凡事皆從簡省行在戶部議得每年巡茶按
月差官四員以六箇月計之該二十四員驛遞騷擾題准止
三箇月一次差行人省諭

景泰二年令陝西四川二布政司各委官巡視關隘禁約私

茶出境暫罷差行人

四年復差行人於陝西四川禁約私茶

巡察

設憲臣未樂十三年遣御史三員巡督陝西茶馬

成化三年巡撫都御史項忠疏請照巡鹽事例差御史巡茶

勅諭陝西洮州河州西寧茶馬司三處舊時收貯官茶易換

番馬以資國用甚爲有益近年以來例久不行多被官員軍

民人等興販私茶通番交易以致官茶阻滯邊方缺馬時操

雖有按察司委官責任不能禁治今特命爾前去自潼關迤

西西安鳳翔漢中平涼臨洮鞏昌西寧甘肅等處申明節次

條例提督都布校三司軍衛有司并守備把隘等官但係通
番關隘與偏僻小路俱要官軍用心巡禁嚴謹把截爾仍不
時親歷點閱或督令分巡官按月省諭不許官豪勢要及軍
民得過之家私自興販茶貨潛入番境通同交易如有此等
應拏問者就便拏問仍窮究是何地方官軍放過治以重罪
應奏請者具奏來聞若守備官員人等交通作弊一體連坐
私茶俱收入官以備易馬支用各處茶園亦宜禁約不許私
相買賣其餘例有廢弛事有可行而未行者及見行勅不該
載者聽爾查照舉奏施行或有不便亦要從實奏來處置
十一年取回巡茶御史仍差行人巡視

十四年仍差御史巡茶

弘治十五年兵部因御史王紹論奏題准簡令風憲重臣

勅前去專理陝西馬政吏部會推南京太常寺卿楊清堪任奉

欽依陞都察院左副都御史督理馬政兵部疏曰國事莫大於馬

祖宗以來內設太僕寺提督牧馬以供京營外設行太僕寺

范馬寺各提督牧馬以給各邊創制立法最為善奈何而

平日久人更政廢近年各寺官員不能盡職議者遂欲廢

存羊遇有卿佐員缺若非註誤降調者陞任知縣四知縣

者選除及其馬政廢弛未免要行考察本部奏行欽依按察

屬官甚至府衛官員亦得鈐制卿佐人之研彼既輕彼之自

待亦薄故軍士任其逃亡草場任其侵占如此而欲馬政興

舉不可得也當此綱紀廢墜之餘而獨責成於寺監官員

有賢能恐難成事乞勅吏部會同本部所行廷舉臣於

應官員內從公推選才行俱優真肯經國如家者簡令

按以風憲重職請勅前去陝西專理馬政先求各寺官員

之賢否考究原設牧馬之成法凡州所當興辦所當除廢

長定奪然必須久任方可責成假三年六年事有成效本部奏請或降勅獎賜或量加恩典九年之內馬果蕃息能復祖宗之舊使各邊戰馬給用有餘腹裏人民亦得輕賦負累本部具奏取回錄功陞任馬政仍舊責令該寺官員依法孳牧仍乞勅吏部今後凡遇各行太僕寺缺少卿內各省參議僉事內缺補於各省參政副使及本寺少卿內各推舉有材力者陞任如果牧養有方馬政興舉照依太僕寺卿并少卿事例推舉在京相應堂上官或巡撫都御史其餘各監苑寺官員皆得其人馬政可保久速不廢矣

勅書劉大夏

勅諭 陝西設立寺監衙門職專牧馬先年邊方所用馬匹全藉於此近來官不得人馬政廢弛殆盡今特命爾前去彼處督同行太僕寺苑馬寺官專理馬政爾須查照兵部奏准事理考究國初成法親歷各該監苑督委都布按三司能幹官員踏勘牧馬草場果有侵占者卽令退還查點養馬軍人果

有逃亡者卽令撥補見在種兒騾馬實有若干設法增添務足原額倒死虧折馬駒隨宜追補量爲分豁布置已定責令該管官員用心牧養官軍騎操之數亦令該管官員如法監視比較毋致倒失虧欠爾仍不時往來提調稽考各該寺監等官有關茸不職者爾卽具奏黜罷或起送別用另選才能以充任使其有盡心職務功績昭著者具奏旌擢其西寧等處各茶馬司茶易番馬甚濟國用近來亦漸虧耗今併付爾整理爾須一新舊規務令茶課充盈私販息絕番人樂歸官市番馬實充廐牧凡牧馬易馬事宜利有當興弊有當革勅內該載未盡者悉聽爾便宜區處事體重大者奏來定奪巡

撫巡按等衙門不得干預衙職寺監官員惟爾所統不許各衙門凌轡都布按三司而下官員但事關馬政俱聽爾約束委用敢有抗違侵撓及權豪勢要之人欺公玩法沮壞馬政者應拏問者徑自拏問應奏請者指實叅奏夫廢墜旣久之事更新興舉責任實重且艱朝廷以爾才望素優志存體國特茲簡命爾湏不憚勤勞悉心經理務俾馬匹蕃息邊方足用以復國初之盛以濟戎務之急尚有顯擢以旌爾能如或績効弗彰有孤委任責亦難追爾惟欽哉故諭

十六年兵部題准請鑄督理馬政關防一顆付都御史楊一清以便行事

是年南京給事中徐蕃御史夏璉等題兵部議准取回巡茶

御史一應茶法悉付都御史楊一清兼理及增重本官事權

以便行事

尚書劉大夏疏曰看得徐蕃夏璉等所言皆詳備切實

公家之事緣都御史楊一清受命於馬政廢墜之後委的事體大責任難爲況其所行俱於巡撫巡按及部布按三司事相干若使人得阻抗事或掣肘縱有才能亦難濟事合無悉准科道所擬備行本官令其查照本部原行及各官所言恭酌施行仍乞將撫按衙門不得干撓馬政部布按三司以下悉聽節制委用等情增入勅內以便行事其所論茶易馬匹委係馬政一事若併付本官管理委的事體相煩易責成効況茶馬自先年停止大臣之後止是行人撫諭巡禁成化年間因是行人職輕難以革弊該巡撫奏准暫差御史整理今既有都御史兼理若又差御史在彼不無事權不一合無將巡茶御史行取回京一應首尾悉皆責成於楊一清其原擬禁約處置事宜亦皆增入本官勅內待到彼之日或行茶地方遠近應該另派何等巡禁官員及茶法利弊中間有應處應奏事情俱聽本官奏請定奪本部仍備行陝西總制鎮守撫按及都布按三司并將行各府州縣所一體遵守并將所次

奉成命行移在京各該衙門知會庶使仰體朝廷興舉馬政之心凡有干預務要欽遵共成國是

給事中徐蕃疏曰臣等切惟威遠之策莫先於修武備而武備之修莫要於蕃畜牧臣見往者陝西茶法馬政提督未有專員掌牧或兼於都堂茶課則委之御史體統病於分合之靡常弊端溢於交承之不一今我皇上專命都御史一員併付以茶馬之事蓋欲盡復祖宗之良法收監牧之實效但恐振舉於廢墜之後非改絀易撤終不足以成務非舊任專人終不足以有為謹以馬政切要條為五事一併茶馬以期實用切見茶馬招易濟邊良策但巡茶御史止是一年所易之馬解發於監苑者雖有成數而不及查其虧耗所督茶課積貯於官司者雖有定額而不覈究其美惡非是不行用心益錄職任不久耳泥先後交代陞轉不常稽考難行事勢掣肘伏望皇上念官多民擾舊分責輕將巡茶御史暫且取回而茶馬之事併付本官整理待其事成效不須大臣之日仍差御史巡察照依清軍事例三年一換則久任成功矣一為草場以便畜牧凡有侵占必須還官然荒場易處而耕種納糧之地似難遽奪曠野易為而既成村落之所恐難盡復必得便宜之策庶有通融之法但有開地方軍民未免干於撫巡轄於分守彼此牽制有礙更張乞勅本官督同巡守審察舊變因時制宜務使地復民安公私兩便而撫按毋得干撓則事權專一矣一清軍土

以足枚丁凡有逃亡必須勾補但邊衛疲弊官吏因循或謫於
有軍行或視爲尋常故事文移來往動淹歲時乞勅本官將原
牧軍通逃者立限清勾戶絕者量爲食補務要人充舊額撫巡
官毋得侵預則圍校有人矣一崇勢分以勵賢能切見住者寺
之官不收才望故其資格淹滯任輕微難帶卿佐之銜無異
司所屬峻崇之階絕望苟且之念自萌今則推方面之賢使居
荒懸京堂之爵以待成功賢能矣容不勸乎但恐體任素輕人
如重欲收豪傑宜稍優崇乞勅本官嚴加采訪先將見任者
上聞熟退政績著稱者量於旌揚員缺用其所推賢否聽其
使得準內寺體統照依京官行事不受制於撫按不降志於
則體勢自尊矣一分委任以共事功切惟馬政興革非止一端
任責成悉周衆務但恐各該衙門不相統攝文移或怠於通承
違或違其約束獨謀坐運何以成功乞勅本官量於兩司官內
委一二才幹以佐經畫府衛衙門凡有事干馬政者悉從節制
有賢否勤惰並聽聞具考語類報
吏部以明黜陟則衆思肅集矣

十七年戶部奏內閣題准另寫茶馬

勅一道齋付都御史楊一清行事前勅不必繳換

勅諭陝西洮州河州西寧三茶馬司為時收貯官茶易換番

馬甚濟國用近來私茶盛行通番交易以致官茶阻滯邊方
缺馬騎操今特命爾不妨督理孳牧兼理茶馬自潼關迤西
西安鳳翔漢中平涼臨洮鞏昌西寧甘肅等處申明節次條
例提督都布按三司軍衛有司并守備把隘等官但係通番
關隘與偏僻小路俱要用心巡禁嚴緊把截爾仍不時親歷
點閱或督令分巡官按月省諭不許官豪勢要及軍民之家
私自興販茶貨潛入番境通同交易如有故違應拏問者就
便拏問應奏請者具奏來聞仍窮究是何地方官軍放過若
守備官員人等交通作弊一體重治私茶俱收入官以備易

馬之用舊例三年一次招番易馬今可不拘年限有願來者聽來交易但要差撥官軍并嚴督所司用心防範不許侵擾居民若有遺失物件卽爲追陪毋或激變交易之際止許將馬換茶並不許將紅纓普魯換易每馬一匹約與茶一百斤所買馬匹俱解陝西行太僕寺印烙轉送苑馬寺收養各處茶園亦宜嚴加禁約不許私自販賣其餘例有廢弛事有可行勅內該載未盡者聽爾查照舉行或有不便亦要從實奏來處置爾受茲委託必須盡心竭力防奸革弊務使茶課充官番馬歸市以濟邊用爾惟欽哉故勅

是年兵部議陝西邊報有警都御史楊一清見駐平涼營壘

馬政茶馬兵政事體相湏合譜

勅本官經畧前事保障地方題奉

欽依楊一清不妨督理馬政就著巡撫陝西地方用心調度防禦賊寇

正德元年吏兵二部尚書馬文昇劉大夏會議關陝重地各鎮兵馬雖無專制合將巡撫都御史楊一清加重責任總制三邊題奉

欽依楊一清著總制陝西延綏寧夏甘肅等處邊務兼理各該地方馬政

二年都御史楊一清疏請查照先年事例仍差御史巡茶鹽

理馬政兵部議擬題奉

欽依陝西一應馬政都著巡茶御史兼管務要著實舉行不

許視常怠玩楊疏曰臣弘治十六年八月內到於陝西地方觀

十八頃八十畝養馬恩隊軍人止有七百四十五名牧養兒

馬并駒止有二千二百八十四匹竊嘆馬政之廢至於如此臣

都布按三司能幹官員講求故典更新興舉奏懇勅寺不職官

仰荷廟謨獨附以布按二司來政副使會事薦補勅寺卿員缺

政缺報一新政今查得六苑清出實有草場兼熟地共一十二

八十四百七十三頃一十一畝八分九釐六毫清勾撥抽招募

等項見在軍人二千三百四十三名銀買茶易孳生馬匹并

除係給邊軍外正德元年實在共一萬一千八百七十一匹

馬營城堡共一十九處衙門倉廩馬廐屋宇共四千一百餘間

設操丁一千名奏開武安苑草場地二千九百六十六頃招募

編等項軍人三百四十五名共用過銀二萬五千七百四十八

六錢及照西寧兆河三衛茶馬廐地年久查得弘治十年起至

五年止巡茶御史共易過兒廟驛馬五千四十二匹而邊兵缺

奏討太僕寺馬價及地畝撥用銀兩高價易買所補不過三分之

一餘皆軍士自買至於破產窮民行伍脫離臣等
私販廣積茶中明舊制招徠遠近各人伏天之威
寧以所蓄馬匹來收易者得治十六年御史李璣
取回臣接管四年共易兒馬一萬九千七百七匹
馬司處置兒在茶斤四十五萬有餘值勾今年明
仲惟國之大事莫急於兵食之大要莫先於馬
防胡重鎮節因駝馬缺之荷蒙孝宗皇帝朱納廷
重臣督理馬政臣擬以庸劣適忝任使後因茶法與
命臣義理頗廢墜既久之事更新興舉事勢頗難
皆過舉明命盡臣之心不敢有遺慮竭臣之才不敢
草場地復牧軍數增城壁相望荒廢羅列準牧稽
諸將來不致望雲錦成羣之虞其於三邊戰馬依
至於茶番一節亦嘗明復金牌之規而實坐收茶馬
卿舊制三年一次番人該納產發馬一萬四千五十
四川保寧等府運送一百萬斤轉輸數千里如臣近
年計之似過其數所用茶斤皆招商買運不煩軍民
既得實用而內地若因開知凡此皆臣職分非敢自
天下之事創作者必專而後成交承者必守而無失
責任最易於集事自嚴巡撫以來顧此失彼已不如
皇上加任總理經邊方責任重大其於監牧茶馬之

不能及罷職前功以貽後責況臣未老而衆方將遷血以陳其
乞骸之願綱交承之處實憂懷抱不得不言臣切惟馬政茶法
體相領先年西寺馬政巡撫兼管而茶馬巡茶御史主之巡撫
事繁多馬政實不經意而茶司所易良驚其先時所給至先不
聞本末始終茫不相攝虛名無實亦勢使然夫茶司之所易
先之所救恐先之所救即官軍之所給非惟不相悖而反相
用故臣之不才亦得稍救其愚此後督理之官恐難復設若
巡茶御史務選年深老練實心幹事之人請勅廉理馬政
行太僕苑馬寺官員專聽提調約束各衙門不與干預凡臣
布置規畫奏有成命一切事宜非有大機不與立奏更張
有定規可大可久爲益實多臣雖愚忝伏草野與世長違亦
有策矣

陝西兆州河州西寧茶馬司舊時收貯茶馬換番馬
其後私茶盛行以致官茶阻滯邊方缺馬實是御史一員事
管近因特設督理馬政都御史暫將御史取回今仍命爾前
去自潼關迤西西安鳳翔漢中平涼臨洮鞏昌西寧甘肅等

處申明節次條例提督都布按三司軍衛有司并守備把隘等官但係通番道路俱要官軍用心巡禁嚴謹把截爾仍不時親歷點閱或督令分巡官按月省諭不許官豪勢要及軍民得過之家私販茶貨潛入番境通同交易若經過地方及守備官軍交通作弊一體治罪私茶俱收入官番人有願易馬者聽其交易但要差撥官軍用心防範不許侵擾居民及將他物換易每馬一匹約與茶一百斤所買馬匹俱解行太僕寺印烙轉送苑馬寺收養各處茶園亦要禁約不許私相買賣其各該寺監衙門馬政久廢近該都御史楊一清查並侵占草場清補逃亡軍人增添種馬築立城堡修復舊規漸

有成效緣茶馬一事茲卽命爾兼管凡事經楊一清布置幾
盡奉有成命者爾務以協心濟美爲能毋以立異更張爲高
必使茶馬充盛牧馬蕃息一年滿日通將牧易給俵過馬匹
及堆積茶斤數目造冊奏繳馬政事宜利有當興弊有當革
勅內該載未盡者悉聽爾從宜區處事體重大者奏來定奪
巡撫巡按等衙門不得干預爾職寺監官員惟爾提調約束
仍須以禮相待功蹟顯著者具奏旌擢闕茸不職者指實糾
舉不許各衙門肆加凌轡一應官員人等有敢沮壞茶法馬政
應拏問者徑自拏問應奏請者叅奏處治爾爲憲臣受茲委
任須持廉秉公悉心經理以濟邊方戎務之急如或視爲泛

常虞應故事使宿弊復生前功盡棄責有所歸故諭勅

課茶

漢中府所屬原額二萬六千八百六十二斤一十五兩五錢

弘治十八年新增二萬四千一百六十四斤金州一萬六千

二十二斤新設紫陽縣分納西鄉縣二萬九千六百十八斤石泉縣

一千七百六十四斤八兩漢陰縣三千六百二十二斤七兩

五錢

洪武四年奏准陝西漢中府金州石泉漢陰平利西鄉縣茶園每十株官取一分其民所收茶官給價買無主者令守城軍士轉培及時採取以十分爲率官取八分軍收二分每五

十斤爲一包二包爲一引今有司收貯於西番易馬又榜文
例計款本地茶園人家除約量本家歲用外其餘盡數官爲
收買若賣與人者茶園人官

宣德四年令免茶戶徭役

正統五年令各布政司府州縣批驗茶引所無茶課者俱裁革
六年奏准甘肅倉所收茶自宣德及正統元年以前者按月
准給陝西行都司并甘肅左等衛所官員折俸布絹每茶一
斤折糧一斗自後所積茶多悉照此例換陳折給

八年令陝西甘肅倉所收茶折支軍官俸給每斤折米一斗五升
弘治十七年都御史楊一清發官銀一千五百七十兩茶館

往漢中產茶州縣收買園戶茶七萬八千八百二十斤官茶
躉筭每一萬斤僉大戶一名解各茶司交納易馬

十八年都御史楊一清奏准於漢中府所屬金漢等州縣新

增茶課二萬四千一百六十四斤漢中府先設臣委官勘得前項

田而出荒山茂林耕治燔灼之餘茶從而萌蘗焉民獲其利一家

茶園有三五日程歷不遍者有百餘戶佃種不周者以數十戶百

餘戶所佃茶園止耕一戶茶課其甚少者亦多贏餘較之農夫終

歲勤動而恐不贍又貸以輪官者難易不同故漢中一府歲課不

及三萬而高賦私需至百餘萬以爲常是其明驗也且薄賦裕民

爲政美事加賦足用儒者耻言然先王之法於農惟恐其不厚於
商則從而征之亦厚本抑末之意云耳今以天地自然之利民權
之易官取之輕徒爲犯法者之地豈可無以處之況先年茶園亦
有消乏未蒙除豁新開茶園日新月盛漫無稽考致使一團一
者課程已多連山接隴者課程額少非惟細民有不均之嘆抑且
我民遂玩法之私已經具奏該戶部議擬各行履勘又經行據
按二司守巡等官重復勘審將節年新增與無課茶園照例從輕

量爲收課并舊額團去課存開除轉除過費等項俱是停書
共五萬一千二十六斤一十五兩五錢蓋編未及十分之一
取盈以滋物議委的事不煩擾民不告勞經久利便別
無窒碍今將勘處遞新舊茶園課程數目謹具奏聞
謹按漢中茶課西鄉獨多其產茶僅三里耳三里在蜀界去
百里出以增課又獨加於他處聞男女日夜治茶罔休有違
費其實或奏均之或獨其半可也

轉運徽州在城站 在州治南秦州在城站 在西關稍子堡站

在州南七十里駱駝巷站 在州南一百三十里高橋站在州

南二百里火鑽站在州南二百五十里隴西轉運所在北關

已上俱洪武間建寧遠站在城東關伏羌站在縣西已上俱

弘治五年御史王紹題都御史楊一清覆勘建置

批驗所在徽州南二十五里永樂六年建已上俱設大使典

吏各一惟徵茶在城站本州帶管火鎮等四站每二站設官
吏一焉

正德十四年巡茶御史李獻機行漢中府不許開送地畝樣
茶以杜科擾侵漁之弊

商茶

洪武初定茶法官給茶引付產茶府州縣凡商人買茶具數
赴官納錢給引方許出境貨賣每引照茶一百斤茶不及引
者謂之畸零別置由帖付之

定茶引由條例凡茶引一道納銅錢一千文照茶一百斤茶
由一道納銅錢六百文照茶六十斤如將已批驗截角退引

入山影射照茶者同私茶論一出園茶賣與無引由客興販者初犯笞三十仍追原價沒官再犯笞五十三犯杖八十倍追原價沒官一客商販茶經過批驗所將引由截角別無夾帶方許放行違者笞二十一偽造茶引者處死籍沒當房家產告捉人賞銀二十兩一販茶不拘地方賣畢赴住賣所在官司繳引封送各該批驗所類解本部查銷若有過期不繳者批驗所查出開報巡按御史按察司提問追繳其批驗茶引所給散引由務籍記商人姓名引數每引由一道納鈔一貫夾紙一張送部鈔送庫交收紙存印引

弘治六年巡撫陝西都御史蕭楨以臨鞏平涼三府歲饑題

准開中茶一百萬斤招商於三府官倉納糧備賑

七年巡撫陝西都御史王 以西鳳等七府歲饑題准開中茶二百萬斤召商派撥缺糧倉分上納

八年巡撫甘肅都御史許 戶部員外郎楊奇各疏請改撥課茶四百萬斤轉運甘肅收貯開市易馬戶部議准不必易馬查照往年賣茶事例中茶四百萬斤以給邊儲

十二年巡茶御史王憲題准停止開中糧茶以便易馬

茶馬之制一則易馬備邊一則羈縻入貢呼之即來處之即去地方屏蔽甚為有益近年守土官員或因經理邊儲開中糧茶多小人乘時射利因而夾帶混同興販甚至將舊批退引影射混茶所在官兵不能辨驗巡禁及至招易番馬番人因得糧茶養生差官撫調半月生拘竊惟天下之事有誣有權時乎兵革固當打權以中茶時乎豈益亦當守經以停止况糧茶益邊即今邊儲未

見亮實戶部錄所藏不職發是糧茶之例一開而茶馬之法兩盡
無益於事有誤地方伏望皇上念茶法為制書之策茶馬為
邊之具番人為地方之屏自弘治十三
年為始暫且停止則茶馬可以備舉矣

十四年巡撫延綏右僉都御史陳壽以本鎮歲大饑題准
中茶四百萬斤召商納糧分撥於急缺倉分上納

是年陝西布政使林元甫以邊餉缺乏奏准開茶五百萬斤
召商上納價銀布政司收貯類解邊倉糴買糧糶

十五年巡茶御史王紹奏商茶開賣有防易馬者部議准將
已報商人姓名查出拘官審有賣盡者追引銷繳未賣者許
改靈州鹽課估值抵數原中茶斤并未賣者一併停止事候
易馬支用今後遇有兵荒不許開賣阻壞茶法

十八年都御史楊一濬題准自本年為始招商自出資本買

茶裝篋轉運茶司交納完日每一千斤官給價銀五十兩沿

途秤盤截角如有夾帶照私茶擬斷其價銀量賣官茶三分

之一以償

頭曰伏自金牌制廢每年止憑漢中府歲辦課茶蓋往民驚相參招易未久倒傷相繼番人既病於價虧軍士復不得

實用今邊方在在缺馬官帑有限收買不敷月追歲併士卒告困

欲查舊例徵運四川課茶緣川陝軍民兵荒之後創殘已甚邊

飛輓猶自不堪寧能增此運茶之役照得漢中府產茶州縣連年

所出茶斤百數十萬官課歲用不過十之一二其餘俱為商販

鬻之資若商販停單私茶嚴禁在山茶斤無從售賣茶園人戶

事俯育何所資藉彼見茶園無利不復葺理將來茶課亦虧夫

茶司則病於不足既無以副番人之望在茶園則積其無用

終失小民之業臣今年正月間量發官銀一千五百七十餘兩

官前去收買茶七萬八千八百二十斤計易過額驛馬九百餘

若用銀買須得七千餘兩但猶未先用官夫運送若廣為收買

軍河西一帶人民將不勝勞擾又恐行之既久官司處置事

價損民似非經常之計如欲官民兩便必須招易買運給價相
 臣於今年閏四月招諭陝西等處商人買官茶五十萬斤以備
 年招番之用議定每茶一千斤用價銀二十五兩連蒸餾茶
 脚從寬共計價銀五十兩令其自出資本前去收買自行運送
 茶司交收給價去後且官銀一萬兩買戰馬不遇一千匹如
 提買茶二十萬斤計酌收買可得馬幾三千匹買一馬者將
 馬給一軍者可給三軍但所給茶價出自公家歲歲支給亦非
 難之道若運到官茶量將三分之一官為發賣以償商價尤為
 益此與開中商茶不同開中商茶其利在商未免沮壞茶馬
 買茶其利在官專為易馬之資借口官賣不過十之二三較之
 茶歲百餘萬以通番境者何如合無自弘治十八年為始聽臣
 榜招商役買官茶五六萬斤其價依原定每一千斤給五十兩
 之數每商所買不得過一萬斤給與批文每一千斤給小票一紙
 掛號定限聽其自出資本收買真細茶斤自行雇脚轉運照商茶
 事例行本沿途官司秤盤截角如有夾帶私茶擬斷運至各該
 茶司取獲實收赴臣查驗給價銀仍行委廉幹官員分投於西
 寧河州二衛官為發賣每處七八萬斤至十萬斤為止價銀官庫
 收候儘勾給商如有贏餘下年接給行之數年茶可不賣夫如是
 茶出於山而運於商民不及知以茶易馬官不及知不傷府庫之
 財不失商民之業我可坐收茶馬之利長久利便之策宜出此

正德元年都御史楊一清議令商人不願領價者對分官茶貯庫商茶徑自貨賣遂爲常例原定每一千斤帶附餘茶五十斤以備正數不足數足給爲州勞

謂按賣價給商其法最善後改抽分則茶多價賤而招易沮矣若徒復於價之舊又併私販者絕之則茶直踊貴番馬自來是或一機也

十年御史王汝舟以每年招易番人不辦秤衡止計篋中馬篋大則官虧其直過小則商病其繁乃酌爲中制每一千斤定三百三十篋以六斤四兩爲准作正茶三斤篋繩三斤

十三年御史樊繼祖以商茶一千斤定三百三十篋官商對撤每篋正茶三斤篋繩三斤其篋繩約重一斤尚有羨餘二斤茶司季報每篋止開三斤羨餘盡入侵漁不可勾考按行

發其奸悉置於法令循環季簿計篋扣報以防後奸

十四年御史李獻以商茶盤詰法網太繁官吏恣為科索令漢中秤盤微輩點篋臨蘭華去秤盤

嘉靖三年御史陳講以商茶低偽欲悉徵黑茶恐地產有限乃第茶為上中二等三七為則每千斤定上茶九十九篋中茶二百二十一篋令漢中府秤盤註引每篋用上中火印烙記書本商姓名以候追考令置口巡檢司驗篋以杜夾帶並去蘭臨秤盤以復季御史之舊又以商人收買草茶賂其茶司給以借用實收更引自買輾轉與販莫可詰責一切汰法

講按招中之法其始未嘗不善然法久必弊救之惟人失商人入山收買美惡半之故專欲責省民益茶一也任官者過低而後在

私者昂其直番人弗樂官中凡以是也今以給價之法遠難驟然必糾商茶之偽每年招中多弗驗四十萬斤非據於實者弗預一切禁防屬漢中府理馬俾其巧無所施而後政舉矣不然所謂良法者未有不為弊政也

私茶

禁例洪武初令諸人但犯私茶與私鹽法一體治罪又令陝西四川有以私茶出境者斬關隘不覺察者處極刑民間蓄茶不得過一月之用茶戶私鬻者籍其園入官

景泰五年令各處軍民人等車輛頭匹挑擔馱載私茶者盡獲茶貨車輛頭匹入官引領牙行及停藏之家俱依律治罪巡捕人員受財縱放者一體究問如律

天順二年奏准凡番僧夾帶奸人并軍器私茶違禁等物許

官司盤檢茶貨入官伴送夾帶人役送所在官司問罪差者
僧所至之處各該衙門不卽應付縱容收買茶貨及增改關
文者巡按御史按察司官體察究治

成化七年禁進貢回回番僧人等於在京及沿途收買私茶
是年刑科給事中王銓奏四川私販盛行欲照陝西巡茶事
例差監察御史巡禁戶部議准令分巡官親詣碇門黎雅等
處往來巡禁每歲更替將捉獲私茶數目具奏查考

九年陝西巡茶御史范瑛奏洮州等衛所屬思曩日等族俱
鄰四川松潘地方軍民販茶入番易換馬牛合照原差行人
事例差御史一員於四川巡禁戶部題奉

欽依還著分巡官禁約

十八年令私茶有興販夾帶五百斤者照私鹽例押發充軍
弘治元年奏准凡軍衛有司果無私茶不許分派下人買納
九年御史羅賢奏四川原無茶禁凡茶徒皆自彼收買徑往
洮岷入番貨賣勾引邊釐戶部議准行四川陝西巡按御史
嚴加禁約捕獲仍追究所買地方行彼處上司將該管州縣
衛所官員一體究治

十七年都御史楊一清奏准每年於陝西按察司揀用憲臺
一員於臨洮府住劄巡禁取會事李璣管理

是年又奏准選取都布按三司右叅政車霆副使王寅都指

揮房懷專候委任又奏准將平涼府通判張撥填註事
府同知涇州知州岳思忠填註平涼府同知不時聽委

議按楊公以重臣而受專制之柄復得兼職以
置治之是宜集功之易也為政在人然哉然非

是年疏請於四川地方嚴禁私販戶部議行四川撫按及分
巡兵備各照所奏事宜舉行夔州東鄉保寧利州一帶行本
都御史楊一清帶管查例徑行諭禁題奉

欽依著楊一清通行嚴加禁約軍民人等敢有仍前私販

及該管官司不行用心捕獲一體重罪不饒

楊疏曰川陝俱係禁茶地方

奉事例四川令分巡官禁治近來惟知陝西有禁而四川未聞蓋
因分巡官未曾經理以致平俗有司習為玩愒陝西等處獲茶徒窮
究所買皆云四川且先年止於碣門黎雅建昌松潘禁茶近來又
於夔州府東鄉保寧利州巴縣廣元等處定肆販買緣此州番族

既鄰松潘四川軍民得以就近通番以此各族節年招易不聽
調非州私茶既多則河州西寧遠近生熟番夷相傳販賣俱從外
境相通難以禁絕豈徒為茶馬之累虧中國之體納外夷之侮莫
甚於此乃知川陝皆當禁茶祖宗成法誠不可易况建昌松潘
保寧等處各有兵備官員若非典分巡官相兼整理則陝西茶禁
雖嚴終恐無益如蒙查照洪武永樂年間以來事例將建昌松潘
明門黎雅路遠去處仍行撫按稽查其夔東保利一帶附近陝西
地方聽臣帶管每月各將有無獲問過私茶人犯緣由取具巡捕
官兵不致縱容結狀開申查考如陝西寧遠茶徒審係四川買來
將將被處巡捕官兵參拏問罪夔州保寧二府分巡兵備官按季
報吏部都察院施行分巡官一年滿日仍照舊例回關本司具
奏及行都察院查考如此則按本塞源而茶是年又奏准將漢
法不致阻壞利興弊革而馬政可以修舉矣

中府石泉縣池河巡檢司改置畧陽縣且口以便盤詰

講按江行兩崖之間南北必經故曰且口是為九達之達也誠得人以禁詰私販雖有狡兔胡能脫網哉

十八年都御史楊一清以御史李璣疏請欲復洪武永樂間

事例嚴禁私販戶部議行覆勘題准今後但有將私茶潛往番境與販交易及在腹裏販賣與進貢回還夷人者不拘斤數事發并知情歇家及牙保俱問發南方烟瘴地方永遠充軍其在西寧甘肅河州洮州販賣者雖不入番卽有通番之漸一百斤以上問發附近衛分充軍三百斤以上發邊衛未遠充軍若在腹裏各府衛州縣興販者照見行事例五百斤以上押發附近衛分充軍止終本身不及前數者俱依律擬斷腹裏枷號一箇月在邊方者枷號兩箇月有力納米贖罪如果無力解百里之外擺站守哨但有逃回仍前興販事發不拘多寡問發附近衛分充軍若軍官將官知情縱容弟男

子姪伴當興販及守備把總巡捕官知情故縱者事發降一級原衛帶俸差操有賊者從重論失於不知者照常發落若守備把總巡捕官自出資本興販私茶但通番者問發邊衛充軍在西寧洮河甘肅地方發賣者三百斤以上發附近衛分充軍不及數及在腹裏發賣者降級調邊衛帶俸差操

嘉靖三年御史陳謙以正德十六年詔書革去弘治十三年

以後新增條例疏請復楊都御史前例

疏曰臣聞為治之道

忌於繁苛縱則人有玩心而多易犯之法苛則民無措手而難自新之階故律正大法例禁遺盡大法既正例禁無苛而後為仁義併用之術也陛下承統中興詔新天下復先朝之舊章則必之新例誠欲廣好生之德全不殺之仁寬猛調停萬世無疆之業屬之視他政事豈少異而前例之可因革亦有可言者且貴新同不容自繁蓋番人寄命於茶關一日不可少者國家事

議實禁彼歸向之心私販盛行茶法沮壞此勢之所必趨者
我祖宗以生人為總而獨於茶禁有犯則必死刑處之誠
見其然者夫死刑至重非臣敢輕議但前例通行似有不當
臣惟都御史楊一清所奏獨為茶法而設或與詔書應奉太
不同但係十三年以後則與新舊條例無異而法也今
建寧之一定司憲典者往往臨刑閱筆而至於廢法也
方之起有餘若不奏請舉行則私販大熾而茶馬終無修復
之益焉實為良便及照前例通行固亦頗為嚴密然情論
者天凡犯私茶者罪同私鹽律則前例之所禁者皆事有
見在者也臣以為茶徒實與鹽徒不同臣巡歷徽成西禮
方訪得茶徒皆是一人出本籍貢遊手無藉之徒或百十餘
人隨背負搜弓親戈夜行盡止刑縣官兵或有所獲要皆
為首者狡捷兇強華能禁制且如捕獲一人止坐一人之
指掌之餘以故積年久慣者得以脫網而獲免隨從者亦
此其禁愈嚴而人愈犯也今後合無準復背負之人供出
係積年仍密切搜獲茶斤一以前例論罪若背負之人果
量情發落如此則許於禁者無法外之姦而不至太縱
有當罪之刑而不至於太苛私販可息茶法可復為政
茶法可復為政可修而邊方亦有賴矣

是年戶部奏行巡茶御史查勘近年通番之弊有無禁革據
今酌古應該何項官員於何處居住劄凡茶馬興革事宜務斟
酌議處事情重大者具奏定奪其小民園圃自種自採鬻於
一鄉一邑以養生者不得瑣細搜求搔擾地方

是年御史陳誦請修復關堡設置官兵及照依楊都御史

事例選取憲臣巡禁茶馬

疏曰行據守巡等官奏政王教等勘議到臣臣惟國家茶馬之設假攝山

之利易充腐之良固以濟乎邊務實欲制乎戎心蓋茶銀我中國
不急之物而番人得之則生非得則病且死故欲以是羈縻之使之
世受約束滿我西土雖不必表河曲通玉門而已可坐斷西奴之
臂矣策之上者孰大於是哉臣嘗伏讀太祖高皇帝及太宗
文皇帝聖諭凡守把人員縱放私茶出境及販茶之人不曰
枉刑則曰凌遲處死不曰妻小入官則曰家遷化外夫以祖宗
不嗜殺人而獨於私販之禁如此其嚴豈非中國所恃以制夷狄
之命者實在於此邪慨自金牌割廢私販盛行節年禁遏未嘗不

嚴然事勢難易亦有不可以懸論者方臣招者易行各兵備
官選委通使深入各族宣布朝廷威德論以從違福福往往長
志而大壞極致至於如此萬一不受約束禍可勝言此固起於私
敗之不能禁而其未流必至於莫救也臣自受命以來夙夜
惟思設圖復舊規盡祛痼弊使諸番効差發之賦而藩籬自固
城積充廐之盛而雲錦成羣此臣之志也亦臣之分也但臣才
短淺而巡歷地方又甚闊遠臣又兼理寺監馬政凡此似非臣
人所能獨辦巡守職任弗專亦難責備且臣嘗歷觀成西禮等
縣見其山勢險絕林木陰阻崇厓巨簣萬徑千岐私販公行
無賈以此之勢豈州縣之數十之戡兵所能禁制哉若非別有
分則私販終莫能禁而茶馬之政當無可舉之日也今奉欽
議處臣於何處添設何官各官會呈議要建置官兵以守要害
責處臣以分督理與臣所議大約相同臣聞鼓不調之瑟者當
更張之術修大壞之政者當有通變之宜合無將各官所議廣
河等處設立關堡以塞私販之源及湌水洗平失出原設八關
復三關以絕私販之流其量修屋宇修斫附近木植亦易為力
查照關山防守事例每關設千百戶二員軍除六十名分兩班
半年一換其官軍俱在附近寧羌漢中禮店階州四衛所選取
以巡禁私茶一以備禦盜賊實為兩便及照清軍衛史該有清軍

布政司使同知等官今款更為添設巡茶方面未免煩擾訪得陝西按察司除各道分巡之外見餘別使一員名雖監收各邊糧草然嘗在司代理司事實為空間今議欲比照都御史楊一清奏准事例選取憲臣但楊都御史所委原係一年一換不無交代紛更合無就將前項空間副使如清軍管糧註定巡禁茶馬使之久任川州往來徽階等處閱視開堡嚴加禁捕一應事宜俱令分理實為事體相應況今亦卜刺之賊住剽西海煙火彌巨泉焰如焚臨華蘭河其勢逼近河州在西土尤號天壤頭畜繁盛彼之竊伺為日已久刻其地離番漢七種錯處亦難歷制合無即將本官請給勅書與洮岷邊備分地據守非但可以分理茶馬亦足控禦邊夷查得四川節年雖嘗禁約私茶然責任不專縱玩如故仍乞申明前例備行彼處撫按責委巡守官校以專柄嚴加禁絕庶私販可息芥法馬政可以修舉盜賊夷狄可以制御而地方誠有賴矣

關隘 潭度 洮平 野麻大木樹尖岔皆禮店已上地洪武間設

關每關守以軍兵二十名弘治十二年廢大石板百丈關沙

河楊家瘦 廣平河 平苦埡野狐溝 漩水 石硤兒鹽官鐵城

良工皆利州已上地弘治間摘州縣民兵守之正德年廢
議按禁絕私販此修茶馬之要然禁其通番者可也今青民
甲持片紙咸得而挾之薦紳熱集至以茶為諱此何為哉
也兵防過要害正為通番計也廟廊取舍又安可知然舍
此而禁彼成無謂也謹附著關隘于終俾經國者圖焉

招易

洪武二十三年定茶易馬例上等馬每匹一百二十斤中
馬每匹七十斤下等馬每匹五十斤三十年奉

太祖高皇帝聖旨朵干烏思藏長河西這一帶西番自來
將馬出來換茶近年因販私茶出境的多以此不將馬出來
戶部便小榜去但通接西番經行的關隘偏僻的小路者都
司差撥官軍三四層嚴謹把守巡視但有將茶私出境外就

便拏解赴官治罪不許受財放過又須窮究何處官軍地方放過治以重罪但有茶都積下教西番那裏依舊將馬出來換與他茶永樂間令每歲於陝西茶易馬內選取堪中騾馬送御馬監分送各馬房領牧以備取乳

成化十四年令茶易馬須四歲以上六歲以下高大堪中者方准牧買兒扇馬就被給各邊騎操騾馬送苑馬寺掌牧如有縱容軍民通同中賣老病馬匹者御史同兵備及苑馬寺官驗視退回仍指實叅奏

十五年令巡茶御史招番易馬不拘年例願來者聽

弘治五年吏部聽選監生吳惠奏兵部議准每年招易無多

增馬數坐派軍衛逼令漢人代納及收買不堪以致倒死
累解送官舍補陪

八年委官主事楊守鵬呈兵部議准招易馬匹兒扇馬要四
歲以上騾馬亦高大堪以作種兒扇馬不必解寺就給與各
衛領養騾馬發苑作種瘦損倒失者比較追陪

十年奏准茶易馬匹除就彼給軍其餘差官解苑俵養

十六年都御史楊一清御史李璣疏請復金牌舊制兵部
准行內府檢查額數約自弘治二十年舉行先咨楊都御史
將原額番官指揮千百戶鎮撫驛丞等官查出保勘就彼
替統領番族認納差發後以金牌檢查未出事體不行仍止

於輪年招易

楊疏曰臣親詣西寧等處詢問各官指押千百戶鎮撫

皇上恩威

且諭之責其近年不肯納茶馬之罪彼皆北向指責

云這是我西番認定的差發合當辦放近年並不曾商金牌來納止

是一年一次若我每將馬來換茶今後來調時

我西番每怎敢違了臣於是乃知我聖祖神宗廣設英畧度越

代遠矣考之前代自唐世回紇入貢已以馬易茶至宋熙寧間仍有

以茶易馬之制至我朝納馬謂之差發如田之有賦身之有膚必

不可少彼既納馬而酬以茶斤我體既尊彼欲亦遂較之前代曰

市曰交易輕重得失較然可知夫王者不治夷狄今責番夷以差

非若秦漢喜功好大勤遠畧者之所為也亦非中國果無良馬而

有待乎番夷也蓋西番之為中國藩籬久矣漢武帝國治匈奴乃

河曲列肆郡開王門通西域以斷匈奴右臂而塞南無王度今

之西歸巨數千里北有狄南有番狄終不敢越番而南以番人

世傑恩議其後此天所以限別區域絕外內者也不然則犬羊

呵吸之區鮮不為其蹂踐矣然無事待乎國初散處降夷

布落隨所指撥地方安置住劄授之官秩職給相承以馬為利

茶為酬價使知綽遠外小夷皆王官王民志向中國不敢背

一昔中國則不得茶無茶則病且死以是羈縻之賢於數萬

此制西番以控北旁之上策前代畧之而我朝獨得之者也

制廢私販盛行率有撫諭巡察之官本莫能禁坐失茶馬之利
 六十年豈徒邊方缺馬將未速夷既不仰給我茶取謂與中國不
 干涉意外之憂或從此生藩藪之固何所於託切照洪武年間
 降金牌數目各衛與諸磨滅多無的據查得北河西寧三衛番族
 牌四十一面該約差發馬一萬三千八百五匹上院在內府收貯
 三年一次遣廷臣齎奉收馬給茶後因邊方多事停止歷年漸久
 由先阿端諸衛越不相通誠恐數十年之後準近番亦不復知有茶
 馬矣今款照舊例調軍入番徵收誠恐滋擾番夷乞 勅將金牌舊
 額查出申明昭示番族使知朝廷修復舊制各當本等差發不齊並
 極查背其番官指揮千百戶鎮撫驛丞等官久不覈替亦令查奏
 諸巡彼各襲原職以為統領不必令其來京以弘治二十年為始
 之期乞遣廷臣齎符上院金牌前來會同臣等不煩動調官軍入
 番族止在三衛住劄調取原降下院金牌前來納馬給茶厚加賞勞
 事完造冊隨金牌齎繳中間二年仍照常曉諭有情願者聽其自
 換茶收有不受約束招調不來量調番漢官兵問罪誅
 剝以警其餘庶幾恩威並施番人永為藩籬之固矣
 諸按金牌彝典也楊公每一招易獲馬數千猶以舊典未復為憾以
 今候之大非類矣自正德間麻八合之戰假息西海差發之番如
 匪諸族世雄西土者悉為虜併頃歲招易番亡所有至取足于三
 之民將必內困雖輪年招易且廢矣况金牌乎聞諸上人咸謂殘明

西奔泉止數十百番始求助於我邊帥弗能應之至
有今日一指之病已服矣醫國者可弗亟治之哉

正德三年御史翟唐奏報馬數兵部題奉

欽依翟唐巡茶易馬功蹟既多陞俸一級續差御史亦要用
心經畫若有功蹟照例旌獎

五年御史田垺奏報兵部題奉

欽依田垺茶易孳牧馬匹既增多千餘匹陞俸一級見在馬
匹著鎮巡等官各督官軍用心喂養毋致損耗

每年招易選差官軍通事隨帶炒麪燒酒茶斤入番撫調馬
完賞犒番官族頭段布酒肉皆量支茶法項下官錢買辦但
通事入番或索其貨賄或誘以增茶因緣為姦不可究竟

給領

弘治六年巡撫延綏都御史劉忠題准茶馬給領自來年為始七年寧夏八年甘肅九年延綏以後各照年分差入通領其兒扇馬堪以騎操者盡給極貧死馬官軍

十四年御史喬恕奏每年茶馬解發苑馬寺盜賣抵換捏報支吾不可究竟兵部題准令各鎮造冊輪年徑領不必解寺

十五年御史王紹奏稱御史喬恕題准茶馬不許發苑令兆河西寧三衛寄養各邊奏請開領動經歲年負累違軍人心嗟怨兵部議准不必奏請限七八月以裏造冊徑領

十七年都御史楊一清題准每年令甘肅減半給領西寧茶

馬延寧照舊輪年領洮河茶馬并西寧一半之數若有餘剩

發苑牧養聽給固原等衛

源曰查得茶易馬匹輪年給領通行年久亦無不均之弊但西寧衛係甘

肅鎮巡管轄僻在河西相離延綏寧夏俱四十餘站官馬所過必用草料沿途驛遞疲敝創殘之餘往往失誤應付以致馬匹瘦損倒失經曰大馬非其土性不畜西羌之馬畜之東北風土異宜多生瘡癰傳染死傷不得實用而甘肅官軍乃在本鎮馬匹三年一次遠涉河東於洮河二衛領馬道途亦多跋涉水土復不相宜以致各鎮領馬官軍逐年來還易過茶馬未免暫發三衛領養累及軍士及照陝西固原靖虜環慶等處亦係沿邊重鎮茶馬供給延寧甘肅三鎮而陝西衛所邊堡全不沾惠要自弘治十八年爲始除驛馬解送陝西苑馬寺專牧外西寧茶易兄廟馬每年將一半聽甘肅巡撫衙門撥軍齋用就近與河西衛分應給官軍領養騎征延寧二鎮照舊輪年十八年延綏十九年寧夏以後各照年分輪流關領先儘洮河二衛馬匹給與如有不敷聽於西寧衛馬內撥給餘剩之數解苑牧養以備陝西衛所邊堡缺馬官軍領給中間分撥派給事宜仍聽臣隨時酌通融處置如此則道途稍便風土稍宜甘肅一鎮爲利甚博延寧二邊初無所損而輸送之勞倒傷之患亦可以省其半也

正德十年御史王汝舟題兵部議准今後領馬官軍每年用
限三月以裏齎赴巡茶御史驗撥軍限八月以裏到彼交兌
違限月久行該衛徑申巡撫都御史究治用違限兩月軍違
限一月不到聽巡茶御史叅奏將經該衛所官吏提問及洩
河馬匹既有多餘通撥延寧亦要隨時斟酌通融派撥以後
年分洩河馬少照舊施行

嘉靖三年御史陳講以茶馬寄養困累貧軍馬亦耗敗於岷

州河州建廠委官領牧及疏請處置料芻

疏曰行據洩岷邊備副使翟鵬呈臣惟國

家茶馬之故一以繫諸羌之歸向一以給三鎮之騎征軍國重務莫大於此然始也每病於招易之難其既也復病於寄養之苦蓋寄養之期雖有限而芻料之費實無窮以無窮之費責之於窮邊之軍豈人情哉臣因招番易馬巡歷洩河西寧見其地方殘破十室九空惻

落之狀難以模寫然瘡痍未起之司荷戈者便控方疆之勇殆已
弗堪矣况復以茶馬重困之代前據各軍赴臣控告蘇口蘇款及
見馬匹瘦損不堪騎征誠有如本官之所言者夫茶馬所以濟手
務而今以病乎衛軍若不預為之處臣恐三邊未濟而三衛先困矣
達利害者可弗為慮耶查得正德十二年該御史王汝舟奏奉
依嚴立期限督催邊軍遵照開領緣是等相去甚遠每年陸續招
數月難完若使官軍預到候領日費行糧大曠軍伍亦未為便寄
之舉勢不能免今據本官所呈大率與臣計處相同其設立馬廠
已擇選空地動支茶馬司貯庫官銀收買木料修蓋外但其處
草每年茶馬不下四五千匹殊難措置款支給於各衛官倉緣主
兵馬數多恐難兼濟散取之於郡縣官庫在在空虛亦無所出臣
覆思之惟靈州西漳鹽課相應取給臣查得茶鹽二課自祖宗以
來皆為馬政而設累奉欽依著巡茶御史提督近又奉勅合創
併茶買馬專餉糧草以備軍儲夫鹽課一也昔欲買馬而今欲
買馬所以供軍士之騎征易糧所以足軍士之餼餉均之為濟邊之
急也今欲復行買馬然成命具在未敢率易以紛更若欲專於供
無茶馬之養亦當半給以蕪濟合無仍聽臣提督兵備等官設法招
商中餉糧草自嘉靖三年起以三分為率二分撥給三邊及缺之地
方接濟軍餉一分俵散三衛并沿途驛遞專供茶馬每年終造冊奏
報備考如此則計慮周詳鹽法亦振難不復用買馬然供寄養則馬

政亦有所濟錄不盡以供軍然養茶馬則軍用亦有
所益異勢而相須並行而不肯固濟邊之要務也